

զգումարն զայն 'ի գիւղականաց և չթողուլ պահանջել ինչ 'ի վանականաց, և գրեաց վասն այսր հրաման, և նորա կալեալ զարս 8 'ի քրիստոնէից և 'ի տաճկաց Բեթղէհէմի և եդ 'ի տուն Նախիպին իբր 'ի պատանդ մինչեւ հատուացեն զհարկն: Իսկ նոքա զինի տօնի Ծննդեան բռնացան 'ի վերայ երկց վանաց որ անդ, և ստիպէին զնոսա հատուցանել զհարկն, և 'ի բացասել նոցա՝ լցան բազմութեամբ նախ 'ի վանս Լատինաց և խափանեցին զպաշտամունս և զպատարագս նոցա, նեղէին և չարչարէին. կամեցան փախչիլ՝ այլ ոչ կարէին, զի փակեալ էին զճանապարհս, և չգլտեալ զայլ հնարս ետուն 15 քսակս և գերծան 'ի ձեռաց նոցա: Անտի խուժեցին 'ի վանս Յունաց, և կալեալ զերկս գիւղացի քահանայս արկին 'ի բանտ, զորս թողեալ էին միաբանք սակս պաշտաման եկեղեցոյ եւ ինքեանք փախուցեալք: Եւ ապա եկեալ բազմութեամբ մօտին 'ի վանս Հայոց, եւ կալեալ զՏեսուչն տաքնապաւ պահանջէին 'ի նմանէ զ15 քսակն, և նա խոստացաւ երթալ բերել զայն յերուսաղէմէ, և այնպէս զերծաւ 'ի ձեռաց նոցա: Իբրեւ տեսին թէ ոչ դարձաւ նա 'ի քաղաքէն և ոչ եկաց 'ի խոստման իւրում, կալան զԼուսարար Պետրոս վարդապետն և մատնեցին 'ի դանս և 'ի չարչարանս. խափանեցին զժամերգութիւն և զպատարագն, և ժողովեալ զամենայն միաբանս եդին 'ի միում սենեկի, և լուցին անդ հուր, զի չնչասպառ մեռցին 'ի ծխոյ անտի, և և ինքեանք մտեալ յեկեղեցին կողոպտեցին զսպասս նորա, ապա խորտակեցին զբոլուն սենեկի Տեսչին և զգարանս որ անդ՝ և յափըշտակեալ զոր միանգամ գտին անդ և ելեալ գնացին: Իբրեւ լուան զեղեալն Խորհրդականք յերուսաղէմ՝ չոքան պատմեցին Քաղաքապետին, եւ նա արար պատասխանի թէ արտաքոյ պարսպի քաղաքին չկարեմ իշխել, ձեռ պարտ է հոգալ զգործս ձեր: ապա խոստացան հատուցանել զ15 քսակն զինի 40 աւուրց, եւ գրեալ ծանուցին զիրան Կուսակալին, թէ այնչափ համարձակութիւն գիւղականաց 'ի Նախիպէն էր՝ որ միաբանեալ էր ընդ Քաղաքապետին:

Ի սոյն աւուրս յորդ անձրեւաց քակեալ էր որմն պարտիզի իմիք, և 'ի շինելն զայն Հայոց առանց չաղախի, կա-